



Diario



pa Aruba



DIAMARS 17 DI JANUARI 1961

NR. 3940



Aki riba nos ta mira un grupito di welgistanan 'riba e terreno di fabrica di awa na Balashi, hunta cu nan (na robes) ta e miembro di eilandsraad Fabian Kelly, kende espontaneamente a bini pa afrece su bon servicionan.

## Empleadonan malcontento no a traha ayera na Balashi

Directiva: "Welga spontaneo"  
TRAHADORNAN: "NOS TA BUSCA NOS DERECHO"

**BALASHI** — Apesar cu tur empleadonan a presenta ayera mainta na trabou na e fabrica di awa na Balashi, sin embargo no ta cuminsa cu nan trabounan di tur dia. Un grupo di trahadornan especialmente for di Machine Shop, peonnan y scalemasters no a traha ayera henter dia pa motibo di malcontento tocante nan salario.

Nan ta bise ta desea un aumento manera, segun nan ta bisa, a ser priminti na nan pa mas di 1 anja caba. Directiva di e fabrica di awa a informa cu e cantidad aki mainta tabata 52 y pa ayera merdia esaki a baha te na 27. "E fabrica ta trahando normalmente", segun e directiva.

**Busca nos derecho**  
"Nos no ta considera e asunto como un welga, sino simplemente buscamiento di nos derecho", ta opinion

di e grupo cu no ta traha. Nan ta sigui menciona tambe cu ta mas di 1 anja un aumento a ser priminti na nan, pero ta "solamente un 8 hecde a han-

**Aki nos ta mira e mediador oficial mr. Frank Hartong, di dos na robes poco despues di su yegoda den e "cantina" di e fabrica na Balashi entre e welgistanan. Mas despues el a delibera cu cinco representante di e trahadornan tocante e malcontento.**

ja e aumento aki". E grupo aki cu ta worde forma mas tanto pa trahadornan for di machine-shop, peonnan y scalemasters no a traha ayera henter dia y parti atardi nos por a contra un cantidad di mas o menos 40 di nan den e "cantina" di e fabrica. Nan tabata sperando resultado di e conversacion di gobierno cu mr. F. Hartong pa dicta si nan ta coge trabou atrobe o tin cu keda asina pa algun dia. Segun e grupo aki ta informa tambe ayera mainta mes nan a busca contacto telefonico cu diputado O. S. Henriquez pa duna nan punto di bista na conoce, pero na un entrevista nan no a jega sin embargo.

**Welga desorganiza**  
Pa e directiva di e fabrica di awa esaki ta un "welga spontaneo y desorganiza" cu ta bisa ariba algun malentendimiento. Nan ta di opinion cu e welga aki no dura mucho. Mas o menos mesun declaracion aki a worde publica ta Voorlichtingsdienst cu tambe a jama e welga como desorganiza. Bestuurscollege, segun e comunicado di gobierno no sabi di ningun punto di conflicto y si resulta necesario nan lo establece contacto cu e Mediador Oficial.

**Mediador na trabou**  
Ayer a tardi pa mas o menos cuatro pa tres mr. F. Hartong a cuminsa cu su trabounan di Mediador Oficial. Promer cu esaki e miembro di Eilandsraad señor Fabian Kelly personalmente a bin tende e keho di e grupo y pa algun rato el a sirbi como tolt na momento cu Ir. S. J. Faber, hefe di W.V.D., tabata dirigi palabru na e grupo aki.

Mr. Hartong a delibera ayera cu mas cu cinco representante di e trahadornan cu e directiva di fabrica di awa y e diputado sr. Henriquez. Awe e trahadornan ta spera mas noticia for di e Mediador y ayera despues ni e conversacion cu sr. Hartong na e b'sa ni cuminsa traha awe atrobe. Sr. Hartong mes ta masha optimismo di e resultado nan obien te awor. Te asina leuw e kier a duna comentario. Su trabou sin embargo ta sigi keto ba' ainda.

### Henriquez a ricibi representantenan

Ayer a nochi pa och'or diputado O.S. Henriquez a ricibi e delegacion di cinco persona di e welgistanan cu bestuurskantoor. Nan a conferencia como un ora y mei largo, durante cual e welgistanan a informa e diputado tocante nan malcontento. Nan a yega na un acuerdo cu e asunto lo ser treci padilanti segun e medionan di eustumber, y den cual e asunto lo worde estudia.

Riba esaki e welgistanan a priminti di presenta na trabou normalmente awe mainta.

Nos kier menciona cu e personal di warda, foreman-nan y tambe ambtenaaran di e fabrica no a participa den e welga. Local e diputado a aprecia masha.

### ELECCION DI LEC APLAZA

**SAN NICOLAS** — E eleccion anual di Lago Employee Council, cual dia 18 y 19 di Januari proximo lo mester tuma lugar, pa motibo di e referendum venidero na Lago lo ser aplaza. Durante e d'ezun anja di existencia di L.E.C., hasta fecha tabatin dos referendum.

E contra: segun e reglamentonan ta worde cancela despues di sesenta dia despues di e ultimo referendum, si door di e referendum L.E.C. worde rechaza. Pa anja na e permiti pa tene referendum mas cu un biaha.

### Produccion di Opel na 1960

**ORANJESTAD** — Den anja cu a caba nan a produci den e fabricanan di Opel 370.673 autonan lujo, station wagons y autonan di carga (331.520 na '59 y 315.945 na '58). Esaki ta mifia anto compara cu e anjanan anterior un aumento den produccion di 11,6%. Nan a exporta di esakinan 186.600 auto, o sea 50,4% di e produccion total (182.313 na '59 y 167.237 na '58). E paisnan na unda mas Opel a ser exportada, segun avisanan obien for di Truba Trading Company, e agente pa e fabricanan di Opel na Aruba, ta: Belgica, Suecia, Dinamarca, Austria, Suiza, Africa del Sur y Estados Unidos. Na 1960 nan a traha 29.609 Opel "1200", 213.572 Opel "Rekord", 60.324 Opel "Caravan", 47.446 Opel "Kapitan", 13.207 autonan di entrega y 5.915 trucknan di 1,9 ton.

Por lo demas nos a worde informa cu e modelo nobo, di cual e produccion a cuminsa medio Agosto, dia 6 di Januari ultimo a sali for di fabrica.

### FLYING CLUB A HANJA DIRECTIVA NOBO

**SAN NICOLAS** — Aruba Flying Club tambe a eliti su directiva nobo. Esaki a tuma lugar durante un reunion agradable cu comentario na honor di e directiva cu a yega na turno di baha. Den e directiva nobo a bira presidente señor Ted Cole. Señor C. Mainnay a bira vice-presidente. R. Ielfield, secretario. F. Himes, tesorero. J. Johnson, comisario di vuelo. H. Garis comisario di mantenimiento di materialnan y W. Ewart consehero general.

## Otto Blom a recorda ayera su 25 anja na Duana

**ORANJESTAD** — Otto Frederik Carl Blom a recorda ayera e hecho cu 25 anja pasa el a drenta servicio di Duana na Corsow como Buitengewoon Hulpkammies der Belastingen. Entre coleganan Sr. Blom, awor Kammiss Verificateur der Belastingen, a celebra e binti cinco anjanan aki.

### Palabranan di aprecio

E hubilario mei-mei di su senjora Enriqueta Blom-Biar y algun juman a tende palabranan di c.o. Adjunkt Inspecteur der Belastingen sr. H.W.J. van der Weide, kende a dirigi palabranan di aprecio pa e bon trabou cu señor Blom a presta durante henter su carrera. Orador a sigi pa menciona carrera di e hubilario aki kende a eumina como Buitengewoon Hulpkammies der Belastingen dia 16 di Januari di 1936 na Corsow. Dia 1 october 1939 e hubilario a bira Tijdelijk Kammiss 2e klasse, despues dia 1 di maart 1942 Kammiss der Belastingen 1e klasse, dia 1 di Januari 1945 el a bira Hoofd-kammies der Belastingen y dia 1 di Juli 1948 el a bira Tijdelijk Waarnemend Kammiss Verificateur.

Sr. Blom a bira Waarnemend Kammiss Verificateur (pa 1 anja) dia 1 di Juli 1949 y dia 16 di december 1950 el a bira Kammiss Verificateur der Belastingen, puesto cu te ainda e ta ocupa.

E hubilario cu a worde traslada pa Aruba dia 16 di maart 1952 a eusa dia 16 di mei 1928 cu sr. Enriqueta Dolores Biar y for di e matrimonio aki a nace diez j.u. di cual e mayor, Jesusto, ta 32 anja y eun di mas chikito Otto Frederik Carl Blom tin 13 anja.

Un otro orador ayera tardi tabata e Kammiss Verificateur na San Nicolas sr. A. Larmonie, kende tambe a muestra riba e bon calidad di sr. Blom den e servicio aki. El a felicitele mescos tambe resto di familia presente. E personal di Duana despues a entrega na sr. Blom un regalo den forma di un kashi glas, mientras cu e tradicional envelop cu contenido no a falta tampoco.

E hubilario na final a gradie tur oradornan y tur e presente y tambe na e personal di San Nicolas.

Na mes momento sr. Blom a invita tambe pa e recepcion agradable ayera nochi na su residencia Maria Cristinestraat 16.



### Referendum ta cuminsa FIN DI JANUARY OF CU-MINZAMENTO DI FEBRUARI

**SAN NICOLAS** — E detallenan com nan lo tene e referendum te ainda no ta completamente termina pa e directiva di Lago, L.E.C. y e partido cu a manda e petition aden (P.W.F.A.) For di e lista manda aden, cu firma di mas di 10 di e trahadornan.

a resulta cu no ta tur e 422 firmantan tabata autentico, pero cu tog e cantidad cu a resta tabata mas di e 380 cu ta worde exigí. Asina anto ta posibel cu un referendum por ser tene. Un fecha sigur pa esaki no tin ainda, pero esaki lo socede sea den e delaster siman di Januari o e prome siman di Februari. E referendum aki manera ta stipula den e contrato cu L.E.C. lo worde dirigi pa e Compania Lago mes.



### E fiesta no a dura mucho

**TANKI LEENDERT** — Doño di un Rum Shop na Taekki Leendert a haña diasabra anochi 8'or y mei bisita di tres hoben den su negoshi y ora cu el a bira lomba pa coge loke cu e muchanan a pidi, esakinan a rek man y eoge un tas conteniendo fls. 200.— y algun papel. E fiesta cu e muchanan a haci cu e placa aki no a dura mucho ya cu pa cuarto pa diez rechereche di Playa a detene e tres hobennan riba terreno di Coney Island na Aruba Jrs. Un di nan, V.B., cu a declara di ta e culpable a worde cera.

**F A T U M** — Tel.: 1845 pa tur bo aseguronan

### Dakota y Juventud Baldadi

**ORANJESTAD** — Un chofe, hon indigna a jega warda na Playa diasabino pa einc'or di atardi cu un tapadera di hotter cu un clabo hinka den die. Segun e muchanan haldadi na Dakota ta usa e obheto aki pa tira r'ha caminda y asina automobilstanan cu ta pasa ta hanja nan mes inespera cu un flat-tire pa drecha.

### Sucesos na e Coney Island

**ORANJESTAD** — Fin di siman cu a pasa tabatin atrobe hasta actividad, cu no ta para riba programa, na e Coney Island na Soetoro. Na prome lugar tabatin pa diez'or diasabra anochi un seis homber bon burachi ta haci desorden na e diferente teatinan. Polis a corre cu nan y

# ODUBER & KAN

INC.


## SERVICIO!!

TRECE BO RECETA DI BRIL

### AWE MAINTA

Y E TA CLA

### AWE TARDI!



Sr. Otto Frederik Carl Blom a celebra ayera na Douane su 25 anja den servicio. Aki nos ta mira e kammiss verificateur ta toast huntu cu Srs. H. W. J. van de Weide, Adjunkt Inspecteur di Belasting y A. Larmonie, kammiss verificateur na San Nicolas.





Jeanette de Veer Diasabra anachi a keda eligi como Reina di Caribe pa anja 1961. Aki e ta dilanti microfono.

# Tjalie Robinson a jena di necesidad di spijtoptanten

**ORANJESTAD.** — Den un cas hospitalario riba Adriaan Lacle Boulevard na Oranjestad Tjalie Robinson a splica nos e intencion di su bishita na Aruba. Segun el a expresa claramente na nos e berdadero obheto ta pa tene causerianan literal. Banda di esey sinembargo lo e haci tur lo posibel tambe pa drecha e lazonan cu e Hulandesnan for di India cu ta hiba aki y pa na Aruba tambe pone atencion riba e problema di e spijtoptanten.

Tjalie Robinson ta un Indo-Europeo, kende tambe a sali for di Indonesia pa Hulanda basta laat y kende a haci su mes conoci como escritor, periodista y defensor di interesnan di e spijtoptanten na Hulanda y na otro lugarnan. E viahe cu awor ta trecele door di Antillas Hulandes, Surinam y cerca e gruponan indo na E.U., a hiba posibel gracias na Sticusa principalmente, pero tambe na e contribucionnan financiero di interesadonan e.o. na Aruba. Dia 10 el a sali for di Hulanda pa E.U., na unda directamente el a bai na e embahada Hulandes pa busca e grupo di indo-europeonan cu a emigra den e pais ey, cu e tin pa haci nan un bishita na final di su biahe. Despues el a hiba linea recta pa Aruba, na unda el a hajar porta hancu habri cerca un specialista. Awe nochí mes ta worde teni en concecion cu su bishita un reunion na cas di familia R. van der Smitte na Oranjestad. Majan anochi e ta papia den Centro Cultural, y Dia Razon anochi den Basiruti na unda el lo ser e figurante central durante di un special "anochi indo", organisa door di e comision di e spijtoptanten local y Aruba Boekhandel.

### Necesidadnan grandi

Sr. Tjalie Robinson (herdaderamente jama J. Boon) a conta Dia Sabra anochi nopi riba e spijtoptanten, e indo-europeonan, kendenan entre 1950, tempo cu e gobierno hulandes desaparece for di e antiguo "Oost-Indië", y 1952 tabata por a scohe entre e nacionalidad Hulandes y esun Indones.

Tambe a base di consehonan di e gobièrno Hulandes di e tempo ey, cu

tambe e tempo ey no tabata sabi mihor y cu a trata di buena voluntad segun Sr. Robinson a declara finalmente, hopi Hulandesnan a scohe e nacionalidad di e nacion nobo.

Ora cu den curso di añanan e resistencia di e Indonesnan contra di grupo aki, den kende nan sanger tin muesternan di dos raza, a crece, hopi di nan a sinti duele di nan eleccion y nan a asisti na e gobièrno Hulandes cu e suplica pa te ainda dunanan e facilidadnan pa bolbe na Hulanda.

Como cu cerca hopi di e personanan aki cu a keda atras na Indonesia, kendenan frecuentemente gracias na e accionnan enemistoso di Indonesnan a worde corri for di nan cas y trabau, e necesidad tabata grandi, ayudo rapido tabata deseable. Na Hulanda sinembargo a resulta cu e gobièrno pa añanan no ta dispuesto pa Juna ayudo rapido.

Spijtoptanten for di Indonesia a bini Hulanda si, pero e tempo tabata mucho abao pa evita consecucionnan eventualmente grave na e otro banda di e equator. NASSI (Nationale Actie Steunt Spijtoptanten Indonesië) cu a worde funda na Hulanda y di cual Sr. Robinson ta un di e fundadornan, y cu Aruba ta worde representa door di Sra. Rita van der Smitte, a haci tur cos loke tabata posibel pa haci e gobièrno hulandes cambia di actitud. Gracias na e accionnan enorme cu NASSI a hiba y e presion cu e simpatisadornan di NASSI for di tur e agrupacionnan politica a echerce riba gobièrno, e gobièrno apenas poco tempo pasa a priminti pa prome biaha a bini cu un apoyo mas rapida pa e 15,000 spijtoptanten cu ta Indonesia ainda.

Sinembargo NASSI lo no para keto prome cu e promesa aki a bira realidad.

### ACCIDENTE TRAGICO

**ORANJESTAD.** — Dia 16 di Januari pa diezdos'or y mei di anochi, durante controlamentu di e profundidag di laman, e prome stuurman, J. Anderson di e tankero Ingles "Corhampton" a cai na awa den haf di Saa Nicolas.

Inmediatamente nan a tumá medidanan, pero sin resultado. Ta worde acepta cu senor Anderson a hoga, e no tabata sa landa.

### Ganadornan di KLM-sweepstake

**ORANJESTAD.** 16 Januari. — Di KLM nos a ricibi cu e sweepstake cu tabata relaciona na un accion di compania pa completa su lista di adres, a ser gana pa siguiente personanan:

ARUBA: Senor T. H. May, senorita Josa Marfiak, E. Amstelveen, senor J. van Kuuk y senor J. Bergci-sen.

CURACAO: Senorita F. M. Huisman, senor E. Salas, senor A. L. Hollander, senor J. N. Liphuzen y senor A. J. v.d. Blink.

Tur e ganadornan aqul a ser obserba cu un viaje cu KLM.

### VERLOOFD

E. Oduber  
en  
M. Feliciano

Aruba, 14-1-1961

### Dennis, de Schrik van de Buurt



"Dit moet je goed onthouden wanneer je klimt: kijk niet naar beneden en als je moeder roept bewaar je kalmte!"  
"E puntonan aki bo mester corda ora cu bo ta subi den palo: no mira abao, y maske bo mama ta jama no bira nervioso!"

### Irregularidadnan continuo na Congo

**ELISABETHSTAD.** 16 Januari. — Awe nan a descubri un complot na Elisabethstad contra seguridad di estado y bida di presidente Chombe y e miembronan di su gobièrno, asina ministerio katanges di asuntonan interior a anuncia den un comunicado.

E comunicado ta bisi cu Godefroid Munongo, ministro di asuntonan interno y hombre fuerte di Congo, a hajar su mes obliga di efectua arrestacionnan masal entre e habitante di Elisabethstad, cu ta miembro dje tribunan cu ta apoya Lumumba.

Algun dje arrestadonan ta culpable na un conspiracion cu agentenan exterior, cual ta dirigi contra existencia dje estado.

Cierta calculacion ta bisi cu week-end pasa 300 te 400 africano a worde arresta, pero un portavoz di ministerio katanges di informacion no a afirma ni desmenti e cifranan aki.

E comunicado ta admiti cu no tur detencion tabata hustifica, pero cu un comision lo worde forma pa stu-

dia cada caso. Entre e detenidonan tin varios miembro dje tribu Batelata, di cual ex-prome ministro Lumumba ta miembro, y miembronan dje tribunan Basooge, Lulua y Baluba.

Dr. Mottoule a muri pa disparo di un bala

E medico Mottoule, director dje hospital na Luena, a muri awe mainta den hospital di Kamina. Dr. Mottoule, un belga a worde hiba hospital di Kamina den heli-copter ajera nochí.

Dr. Mottoule tabata para den porta di su hospital, ora cu algun rebelde Baluba a ataca e hospital y a tirele den su cabez.

Arrestacion di dos periodista frances na Congo

2 periodista frances, Jean Thoraval dje agencia frances di prensa AFP y Jacques Alexandre di Radio Congo, kendenan a worde arresta ajera ora cu nan tabata traha un reportage na Thysville, a worde deporta awe tardi for di Congo. Nan a bai Brazzaville, capital di ex-Congo frances.

### HOROSCOOP

**ARIESNAN**  
11 Maart — 21 April  
Sea paciente aunque cu otro nan ta instiga bo i haci semper loque cu bo ta pensa ta bon.

**TAURISNAN**  
11 April — 21 Mei  
Bo no mester larga pesimismo guia bo mucho. Bo por ta mucho prudente i larga un chens pasa.

**GERMINANAN**  
22 Mei — 21 juni  
Cuidado pa bo no larga apariencia ganja bo, pasobra bo por queda mal ganja.

**CANCERNAN**  
22 Juni — 23 Juli  
Aspectonan ta muntra riba ambiguanan bieu, riba concionnan i interesnan di antes.

**LEONAN**  
24 Juli — 23 Augustus  
Responsabilidad i debernan por haci un cierto influencia riba bo.

**VIRGONAN**  
24 Augustus — 23 September  
Mchor bo scucha mas tantu cu papia e dia di awe i no larga nada desanima bo intencion.

**LIBRANAN**  
24 September — 23 October  
Parti mainta por bini cu contratiempnan; al menos retrazo. Trata di no consumi.

**SCORPIONAN**  
24 October — 22 November  
No sea desenganja cu bo no comprende otro nan unbez. Nan a pensa di otro manera cu bo.

**SAGITARIUSNAN**  
23 November — 21 December  
Bon aspectonan pa compra, tambe riba terreno priva. Haci algu pa bo exterior.

**CAPRICORNUSNAN**  
22 December — 20 Januari  
Awe ta e dia exacto pa atende asuntonan di importancia. Merdia bo tin di tene cuidao.

**ACUARIUSNAN**  
21 Januari — 19 Februari  
Mainta por trece responsabilidatnan di sistema domestica.

**PISCES**  
20 Februari — 20 Maart  
Loque bo pensa i haci awe lo por ser modifica. Peset no traha plannan concreto.

## A MUDA LUXE STORE

di Nassastraat 71 pa NASSAUSTRAT 27  
(banda di Spritzer & Fuhrmann)

**FUTBOL** **FUTBOL** **FUTBOL**  
**ARUBA VOETBAL BOND**  
presenta  
AVENOCHI 17 DI JANUARI PA 7.30 P.M.  
HILMINA STADION  
**DAKOTA vs. ARUBA JRS.**  
(Hoofdklasse)  
ENTRADA: Tribune f 1.— Staanplaats f 0.50  
Dos mucha cu un kaarchi  
**FUTBOL** **FUTBOL** **FUTBOL**

AVISA DEN ARUBAANSE COURANT

**KNSM**  
Your line

SERVING ARUBA FAITHFULLY AND UNINTERRUPTEDLY FOR MORE THAN THIRTY YEARS WITH A CENTURY OF EXPERIENCE TO BACK IT UP.

Fast and regular freight services with modern vessels with limited passenger accommodations:

**WEEKLY:** from Europe & U.S. Atlantic Ports  
**FORTNIGHTLY:** from U.S. Gulf Ports  
**FOUR WEEKLY:** to and from Europe and Caribbean Isles by the fast and modern motorvessels "ORANJE NASSAU" and "PRINS DER NEDERLANDEN".

### Schedule of arrivals/departures at/from Oranjestad

Day	Vessel	From:	To:
19-1-61	MEDON	Baltimore, Philadelphia, New York, Curacao.	La Guaira, Maracaibo, Bachiquero, Maracaibo, Puerto Cabello, Ciudad Bolivar, SAC-Ports, Baltimore, Philadelphia, New York.
21-1-61	BAARN	Amsterdam, Curacao.	San Nicolas, Cartagena, Barranquilla, Curacao, Ciudad Bolivar, Puerto Ordaz, Europe.
22-1-61	HELICON	Mobile, Houston, New Orleans.	Maracaibo, Curacao, Georgetown, Paramaribo, Europe.
24-1-61	ASKOT	Italy, San Juan, Trinidad, Araya.	Curacao, La Guaira, Maracaibo, Cartagena, Barranquilla, Kingston, Redel.
26-1-61	AMMON	SAC-Ports, Baltimore, Philadelphia, New York, Curacao.	La Guaira, Maracaibo, Puerto Cabello, Guanta, Port-of-Spain, Puerto Sucre, Pampatar, Curupano, Europe via.
27-1-61	BREDA	Amsterdam, Barbados, Trinidad, Curacao.	Cumana, Pampatar, Puerto Ordaz, Europe.

Call: 1777 (three lines) - Oranjestad



E tres dirigientenan di fa. G. de Veer & Sons y nan senjara den centro y na banda (robez) Srs. W. van Wijk y (na drechi) R. Tuschek durante re-apertura di Rainbo Bakery Diasabra ultimo.




E staf di panaderonan di Rainbo Bakery cu mei-mei di nan Sr. Van Wijk (cu flus) lider di e seccion aki.

**Petrona & Croes**  
Dakota - tel: 1712-1639  
KOZIJN, PORTA, BENTANA.

**HOLLANDSCHE BANK-UNIE N.V.**  
WILLEMSTAD - TELEFON 113-00  
ORANJESTAD - TELEFON 6900  
SAA NICOLAAS - TELEFON 8900





50 Anja casa Ma Toeti y Mimi

PIEDRA PLAT. — Diezcuater jiu, di cual diezdos ta na bida, 51 nietos y 3 bisnietos, e matrimonio cera dia 11 di Januari 1911 entre Teodomiro (Mimi) Americo Bareño y Gertruida (Ma Toei) Gregoria Bareño-Kroezendijk a product den e cincuenta añanan cu a pasa. Dia-razon pasa nan a recorda e dia grandi aki y ayera famianan y amigonan a celebra cu un fiesta alegre na residencia di e pareha Piedra Plat 18.

Medidanan tuma pa gobierno di Vientiane

VIENTIANE, 16 Januari — Na Vientiane a word informu cu un gran parti di dje polisnan dje ciudad ey y e servicionan cu tin relacion cu polisnan, a word hiba Savannakhet diabiernes y diasabra.

Bishita oficial di Alvaro Alsogaray na Inglaterra

LONDEN, 16 Jan. — E bishita oficial di ministro Argentino di economia, Alvaro Alsogaray, na Inglaterra, a word suspende provisoriamente, asina a word informu na Londen awe.

Un toren di radar a desparce na New York

NEW YORK, 16 Januari — Un toren di radar di Merca, cu tabata ocupa pa 27 homber y tabata situa na un distancia di 128 km for di Costa Oriental di Merca na halura di New York den Atlantico, a desparce, asina un portavoz di guadiacosta Mericano a informu ajera noche.

Bringamentu na e suburbio Baraki

PARIS, 16 Januari — E plan di general De Gaulle pa autodeclaracion pa y reformacion di gobierno na Argelia, cual a word aproba diadomingo siman, pasa sen e referendum, aribal ley ajera, door di su publicacion den corrier di estado Francés.

Intencion di partida laborista Ingles

LONDEN, 16 Januari. — Partido laborista inelct tin intencion di cuminsa un campania pa colecta fondo, pa fortifica e medionan di accion di partidionan socialista suramericano, africano y asiatico, asina, e secretario general adjunto, A. L. Williams, a anuncia awe den un circulario, cu a word manda pa e representantenan local di partido laborista.

Un obhelo mira na stacion Mericano di radar

WASHINGTON, 16 Januari. — Na Alaska nan a mira un obhelo riba scherm di un stacion mericano di radar. E obhelo a hini for di Rus'a y tabata move den direccion sudeste.

Cumpleanjos

Ta cumpli 13 anja e hoben Rosindo Rafael Rodriguez y ta ricibi felicitacion di su mama Johanna, tata Jose, 9 rumanan Sra. Rita, Anie, Greta, Mene Juan, Betto, Florentino, omo, tanta, padrino, Luis Geerman, maarina Ana Werleman, amigonan di Sint Jozefschool na Santa Cruz.

Na Antwerpen i Gent welga a termina

BRUSSEL, 16 Jan. — Awor cu e ultimo gruponan importante di welgistanan a cuminsa traha atrobe awe na Antwerpen y Gent, por bisa cu situacion na normal, na parti Flamenco di Belgica. E welgistanan a cuminsa traha den cierto sector di Wallonia awe, di 28 dia dje welganan.

Agenda

ARUBAANSECOURANT diarriamente cu excepcion di diadomingo

DE VEER 3.30 'Let's Rock' a.t. HIALTO 8.00 'La mujer que no tuvo hijos' a.t. PHINCIPAL 8.00 'No time to be young' 13 J.

WIT GELE KRUIS

Zr. Ewald a. Zr. Perpetua tel 2200

BOJICA DI WARDA

Oranjestad: BOTICA ARUBA, tel: 1080 San Nicolas: BOTICA CENTRAL, tel: 5006

POSTSLUITINGEN Dinsdag

Diamars 22 di novambé. Curacao 10.00 & 16.00, New York 8.00 Suriname 16.00, Caracas 15.30, Maracaibo 13.30.

RADIO KELKBOOM

8.00 Opening 9.02 Selección Musical cu disco Latino 9.00 Variacion Musical cu discos Europeo 'Norte, Americano y Latino

RADIO VICTORIA

11.00 Apertura 11.15 Novela Cristiana 11.30 Melodias di Merdia 12.00 Ultimas Noticias 12.15 Musica Sagrada 12.30 World News 12.45 Organ Memorias 1.00 Radio Concert Hall 2.00 The Reading Room 2.15 Sacred Songs 2.30 The Quiet Hour 2.45 Estudios Musicales 3.15 Melodias del Alma 3.30 Adelante Juventud 4.00 Musica di Banda 4.15 Ecosan Celestial 4.30 Cafe con Musica 4.45 Waltman Favorit 5.00 Academia del Aire 5.15 Palabranan di Bida 5.30 Interludio Musical 6.00 'Ultimas Noticias' 6.15 Naciones Unidas 6.30 Noticias Hutandes 6.40 Musica Clásica 7.15 The Bandstand 7.30 The Lago Hour 8.00 World News 8.10 Of the Record 8.30 Back to the Bible 9.00 Musical Gems 9.10 World Time 10.00 World News 10.15 When Day la Dona 10.30 Sign Off Despedida.

RADIO CARACAS TELEVISION

8.25 Patron de Radio Caracas Television 0.27 Informacion sobre los Progr. del dia 8.30 Pelicula de cine 9.30 El arbolito 10.30 Cosas de Mujeres 11.30 Cortos Cinematograficos 11.30 La perfecta Ama de Casa 12.00 Gran show de las Doce 1.15 Historia de amor 1.30 El imparcial Television 2.00 Punto y aparte 2.30 Club Feminino 3.00 Estudio de Hector Monteverde 3.30 Telefortuna 4.30 Club de los Nietos 5.30 Documentales 6.30 Cine-Variadas Yukery 7.00 Julian Patheco 7.15 La novela Ammen 7.30 Banco Union 8.00 El observador Creole 8.15 Su novela Fab-Vorita 8.30 David Niven en T.V. 9.00 La novela Camay 9.15 Amador Bendayan en T.V. 9.30 Cordiplan 10.00 Que le Parece Compadre

VOZ DI ARUBA

06.00 Apertura 06.05 Nos oracion di mañia 'The Lord's Prayer' 06.04 Thoughts of the day 06.05 Melodias Matinales 06.14 Thoughts of the day 06.15 Viana Auto Supply Co. brings you 'News in English' 06.30 Melodias Matinales 07.20 Aruba Trading Co. ta presenta 'Saludos Musical di Linaaco!' 08.29 Thoughts of the day 08.30 Viana Auto Supply Co. brings you 'News in English' 08.45 Ecos Internacional 09.40 Cantares de Esona 09.45 E arista di siman 09.50 Variado Musical 09.45 E Orquesta di awe 10.00 Coligale-Palmolive presenta su novela 'La hija del doctor' 10.50 Fuente Musical 11.00 Musica di awe, majan y semper 11.15 Mambos, Merengues y Merengueses 11.43 American Melodies 12.00 Musik uit Nederland 12.15 Victoria Botting Co. biedt U 'Nieuws in het Nederlands' 12.30 'Selecties Musical di Merdia' 13.00 Viana Auto Supply Co. ta ofrece 'Mundo en Marcha' 13.15 Conjunto y arlistanan Antillana 13.40 Procter & Gamble presentan su novela 'Doña Puraza' 14.00 Revista Musical 15.00 Peticiones pa exterior 15.30 Selección di musica Popular 16.00 Complacencias 16.15 Melodias Amstel 16.30 Complacencias 17.00 Felicitando sus oventenan 17.30 Musica varia 18.00 Atravieser Musical 18.15 Petrona & Ceres ta presenta 'El Observador' 18.20 Musica 'Popul' 18.30 Thoughts of the day 19.00 Viana Auto Supply Co. brings you 'News in English' 19.15 Instrumental Melodies 19.30 La Esperanza Supermarket ta presenta 'Economiza comprando na La Esperanza' 20.00 Viana Auto Supply ta ofrece 'Mundo en Marcha' 20.15 Palais Royal presenta 'Gramica Desayuno' Philips' 20.30 Coligale-Palmolive presenta su novela 'Entre Dos Almas' 21.00 'V.O.A. Listeners' Choice' 22.00 Noticia na Spang - o.v.v. E.N. Curet 22.15 CLAUSURA

Papa Johannes a crea cuater cardenal nobo

VATICANO, 16 Jan. — Papa Johannes a crea 4 cardenal nobo awe durante un consistorio secreto, esta mgr. Joseph Elmer Ritter, arzobispo di Saint Louis, capital dje estado Mericano Missouri, mgr. Jose Humberto Quintero, arzobispo di Caracas na Venezuela; mgr. Luis Concha Cordoba, arzobispo di Bogota na Colombia y mgr. Giuseppe Ferretto dje Curio Romano.

Awor tin 85 cardenal: 32 di nan ta Italiano, 8 ta Frances y 6 ta Mericano.

Esaki tabata di 4 bishita cu Papa Johannes a crea cardenalnan na un consistorio secreto. El a nombra 45 cardenal awor, 3 na maart di anja pasa, 'en petto'. Papa Johannes a bisa na maart cu el a anuncia nan nomber despues, pero te ainda e no a haci esey.

Nombracion pa M. J. van Schreven

DEN HAAG, 16 Jan. — Segun decision Real M. J. van Schreven, ambiente di servicio exterior 2de clase, a word nombra como embahador extraordinario y plenipotenciario na e republica Uruguay.

FOR SALE AIRCONDITIONER

3/4 p.k. — Carrier Prima conditie f 300.— Cash Tel. 1467

Bloemenhuis ROZENOORD

pa FIESTA DI JUBILEO Laga un experto haci bo trabou

CEMPRO N.V.

Wayacka - tel: 2444 PA TUR BLOKKI Y CABAJETA HIRCULES CEMENT

GUARANTEED WASHABLE Super Kemi-Tone



ARUBA TRADING CO.

Biba cu comodidad usando electricidad! ELMAE

ATENCION COMERCIANTES Pidi bo GLAS DI PROPAGANDA cerca E. L. FERROL, Tel. 2176

MULCO — MEHOR Y MAS BARATA UNIVERSALMENTE CONOCI LAGA BO AMANTE GOZA CU MULCO CUMPR AWE MES OBTENIBLE CERCA RAGHUNATH N.V.



BRUSSEL REBELIOSO. — Esaki ta dos bista durante e ultimo demonstracionnan na Brussel. Izquierda: E fotografo di prensa aqui a saca e sigur pa in segur i a facilita su mes un helm di staa, pasobra fotografanan mucho bez ta infiltra den tur rebelian i varios bez nan sa ricibi golpe. Derecho: Un multitud di miles welgistanan di demonstrantenan ta camna riba un dje gran boulevardnan cu destino pa sitio di Rogier.

De geur van 'n Ritmeester... Maar aan de geur alleen hebt u niet veel 'n Ritmeester moet u roken

distingui, cosnan cu ta solamente un mama cu su yiu por a combarsa intimamente, asuntunan di confianza cu bo no por confia na ningun hende otro. E tabatin plannan di traha y responsabilidadnan cu e quier a tuma riba dje. Prome cu tur cos Nicol na tabata dese responsabilidad. E tabata comprende cu si e hania responsabilidad, anto solitario lo e por drenta bida di hende adulto. E tabata dese di farga su anjanan infanti masha leu su tras. Pero e manera di b'ha na Brooklyn lo ta permiti bo queda mucha hopi tempo, pasobra bo sintir ta b'ha abri y bo ta hania tene cosnan cu no ta destina pa bo orcanan foi bo humentu. Bo ta hira hieu aqui prome cu bo hira. Bo ta s'inja conoce amargura y pena di bida mas l'he cu bo ta sinja s'inhir; bo nomber. Bo tabata s'inja tambe foi trato di otronan; cu loque bo tabatin, bo mester a trata di tene esaki pa bo mes. Si bo tabatin hamber bo mester come, loque nan trece pa bo, sin puntra ta foi unda el a sali. Bo tabata comprende unbez cu bo mester a cera bo wowonan pa gritonan di hombernan bringado, grito di babayan desuedita di muhe-

AMOR Y CAPRICHIO pa: Tuyuchi No. 3 E bar di Lucky Nolan ei lo ta goza masha reputacion di parti dje personanan di menos bon comportacion, sino Senjora Burnley lo a duna su opinion cuba ovey di dje. Pero esei en todo, caso ta mester tabata mas agradable cu di tende esaki foi boca di un stranjero. Nicol na por a comprende masha bon cu su mama lo no ta gusta pa e bin bishite ei. Sine embargo nada di esaki no tabata importa e mucha muhe, pasobra awor el a yega na e edad di haci presunta prome cu e mes tuma un decision. Y tabatin hopi caso mas tocante cual lo e quier a combarsa cu su mama, pero esei ta existi tempu. Cu calma lo e informa su mama di tur nan situacion y tabata su deber di pone na altura di tur cos, principalmente awor cu el a cumpli 17 anja y cu e ta sinja conoce bida den tur su fragancia. Awor e ta puntra su mes paquico tur e tempo el a larga tur cos sigui nan curso y awor diripiente e quier ta na altura di tur cos. Paquico antes e no a trata di a sondea b'ha di su mama? Esai a socede pasobra e cu Greta tabata biba masha separa di otro. Tabata de bez en cuando asina e por a hania su manha mira, anto den un corto instancia. Ta quico nan por a combarsa den un tempo, asina corto na internado. Awor Nicolina quier a acerka su mama mas tantu. E quier a sinja conoce di acerca. E tabatin hopi cos di

"Bo n' mester camna riba caja anochi laat asina. Mi ta quere cu bo mama lo no ta gusta esei." "Mi no por a drenta cas, pasobra esaki tabata cera na jahi." "Bo ta bai awor, numa na Nolan?" "E mucna muhe a sagudi cabez. Awa tabata dal O'Neal den su cara. El a mira com su overcoat tabata corre awe." Pensativo y tabata pasa su man na su cachete. "Aqui mei ora mi diensi a termina. Y si bo ta desya bo ta queda spera aqui r'ha bo y aworo mi ta hiba cu trafico subteraneo." "Mi ta hania bo oferta masha carinioso. Pero lastimamente mi n' por haci uso di dje, como mi tin apuro." Y vacilando e poliz a agrega, acerca: "E caminda no ta asina dificil. Pero como awor ta asina laat mi n' ta hania agradable di larga bo bai asina solitario." Y cu convencion e mucha muhe a bisa: "Nada no por pasa mi". (E ta sigui)



CISCO KID

1. „Bo no ta papia asina cu mi bo a tende”. 2. „Kiko esaki?”



JUAN EL INTREPIDO

1. „Nos ta cuminda bo na number di Raja di Malapur. Sahib. Nos a hanja ordu pa escolta bo”.



DICK TRACY

1. „Corda bon, cu mitar di e placa ta pa mi Spots”. 2. „Bo ta hanja bo parti. Ogeden”.



RIP KIRBY

1. „Hala Mona”. 2. „Keda pasobra mi tin mester di bo aki nan”.



EL PRECIO DEL TRIUNFO

1. „Nos a jega, senyor Vassy”. 2. „Asina mi regla tur mi cosnan mi ta bai na bo oficina, senyor Saxon”.



EL DIARIO DE UNA VIDA

1. „Eva... mi ta papiando na serio... mi ta gradici bo pa bo interes... pero como bo ta mi bon amiga...”



PEPITA

1. „Mi ta cansa di hefe zundra. Mi ta bai hinca catuna den mi orea”.



Gobierno provisorio Argelino quier discuti

TUNES, 16 jan. — E gobierno provisorio Argelino a declara su mes dispuesto awe na cuminsa negociacion cu gobierno Frances tocante e condicionnan pa un „consulta lider di pueblo Argelino”.

„E problema Argelino a drenta un fase nobo, den cual por observa e posibilidad di un solucion pacifico pa medio di negociacion”.

E plan Frances pa forma institucionnan provisorio Argelino mas pronto posible, ta worde considera como un dominio di futuro die pais.

Decision di gobierno di Laos

PEKING, 16 jan. — E gobierno legal di Laos, esta di prins Suvarna Phuma di Pathet Lao a dicidi di forma un „consejo militar nacional” pa dirigi e operacionnan militar contra agresion di imperialistanan Mericano.

Sinagogo na Johannesburg a sufri danjo

JOHANNESBURG, 16 jan. — E gran sinagogo na Johannesburg (Sud-Africa) a hanja hopi danjo door di cu un explosion violento a destrui parti di edificio ajera.

Siman pasa e 3 edicio religioso a bira victima di tal atentadonan: un misa Nederlands Gereformeerd, un misa Metodista y un misa Baptista.

Declaracion di Andre Mendi na Cairo

ARGEL, 16 januari — Diasabra anochi 3 Europeo a muri durante irregularidadnan na e suburbio Baraki, na Argel, asina a worde informa ajanan ajera.

Nan a corta garganta di un dje victimanan y bai e otro dosnan te cu nan a muri. E cadavernan a worde hanja cerca un auto kima.

8 Europeo a worde herida y un eucstro na otro suburbanonan di Argel. 5 Mohamedano a worde herida. Na Oran 3 Mohamedano a worde condena pa castigo di morto door di un tribunal militar, pa motibo di actonan di terrorismo.

Diplomacia di muhe

pa Edward G. de Jongh

„Bo ta bai? Bon. Ajó. Mi'n por tené bo...”

Bo t'ey ainda? Kico b'a spera di mi? Cua lo mi jora y roga bo cambio di idea?

Ai no. No ami. Sigur b'a spera cu lo m'a ca'fica bo pa cruel. Mhp. B'a k'buca bo.

B'a mira mi, b'a gusta mi pa un o otro cos. B'a lokia mi.

B'a stima mi, alomenos asina b'a canta mi y a biaha den mi orea. M'a duda prome, pero, despues m'a kere.

Ami si a stima bo, aunque nunca mi'n bisa bo cu palabra di boca. Nunca m'a haci jatur. pasobra, ja, m'a confia bo.

Un dia m'a jora, hopi. Ta dia b'a hura mi na rudia cu nunca lo bo bandona mi. K'as l'un presentimento. Ba'a p'rimitu mi hopi cos. Si awe bo'n por cumpli cu nan, ken culpa? Mi'n tin derecho pa odia bo. Si mi odia bo, afin....

Pero mi'n ta comprende pakico b'a tuma e molestia, pa bi'n bisa mi cu bo no ke mi mas. Bo mes consenshi? Acaso b'a spera un escena tristu? B'a spera cu lo m'a cai na bo rudia, jora y sunchi bo pia? M'a comprende bo semper, pero, ta duel mi; mi'n por.

B'a cende un hela; b'a gosa di su luz y h'a pag'e trobe. Simpel. Ahhhhh.

Bon. Ajó. Felicidad. M'a caba.

Bai no?!

Ai foci. Tuma! Ata e lenu cu ho mes a regala mi un dia. Seca bo wowonan cu ne. Bo'n ta cord'e mas?...

Bon. Bai awó! Ajó....

Bai no?!

BEURSKOERSEN

Table of stock market prices for various companies and indices, including Am. Stock Exchange, Amsterdamse Effectenbeurs, and Zonidonan den bom di lamar.



Auto A-7845 cu a choka Diadomingo atardi na skina Kerkstraat-Arendstraat na Playa contra di A-3833. E auto aki 'riba tabata manaha pa H.K. y un di su pasaheronan, C.T., a hanja cortanan na su lip y na su frenta. Danjo na e auto aki ta fls. 1400,—.